



'n Ark vir my huisgesin

Omdat Noag geglo het, het hy God eerbiedig gehoorsaam toe hy gewaarsku is oor dinge wat nog nie gesien kon word nie. Daarom het hy die ark gebou om sy huisgesin te red (Hebreërs 11: 7).

Ons sien dat die mens al hoe meer sukkel om te onderskei tussen wat belangrik is en dit wat minder belangrik behoort te wees. Gevolglik het daar 'n erge wanbalans gekom in die werk-tot-gesin-verhouding! Die Bybel het eeue gelede reeds gewaarsku dat die gesin baie belangrik is vir elke gesonde gemeenskap. Ons oordink die krag van dié woorde in Hebreërs: 11: 7.

Die bou van die ark, word gesê, was een van die langste geloofsbeproewinge wat in die Bybel opgeteken staan. Noag het nooit enige bevestiging ontvang dat hy op die regte pad was nie. Iemand skryf dat Noag vir 120 jaar 'n prediker van geregtigheid was, en tog lees ons nie van een enkele bekeerling nie. Sy geloof was alleen gefokus op sy God, die Here, wat hy vertrou het.

Genesis beskryf die bou van die groot skip. Noag het die ark gebou ter wille van sy gesin en diere om die sondvloed, wat die hele wêreld oorstrom het, te oorleef. Daar was agt mense in die ark: Noag, sy vrou, en hul drie seuns en skoondogters.

Die Hebreër-brief beklemtoon: *Daarom het hy 'n ark gebou om sy huisgesin te red.* 'n Kommentaar skryf dat die brief aan die Hebreërs beklemtoon dat geloof die behoud van die lewe is. Ons moet dus weet wat geloof beteken. Vir die skrywer van hierdie brief is geloof geanker in drie sake: aanvaarding van die gepredikte Woord, die krag om daarin te volhard, en ook om die beloftes van die Woord deel te maak van jou dankbaarheidslewe voor God. (Lees weer Heb 11: 1.)

Hoe gehoorsaam is ons vandag aan die Woord van God? Waarmee trotseer ons met ons families en huisgesinne die vloedwaters van morele korrupsie en duisternis? Hoe stuur ons ons kinders en hul geliefdes die storms in?

William J Bennett skryf in sy boek *The Broken Hearth* dat die gesin van vandag baie minder stabiel is as selfs net een generasie gelede. Dit word oral in die wêreld gesien. Die natuurlike gevolg van die gesin wat verwaarloos word, is in die eerste plek die impak op huwelike, wat dikwels lei tot egskedings. Die groep wat egter die meeste geraak word deur "arklose ongehoorsaamheid", is die kinders! Kinders is meer kwesbaar en verwaarloos, minder versorg en minder gewaardeer. As die gesin vernietig word, beïnvloed dit 'n hele gemeenskap.

Noag leer ons dat dit moontlik is om selfs in die moeilikste omstandighede met God te wandel. Soveel lewenslesse mag ons saamneem uit die voorbeeld van 'n "gesin" wat reeds in die eerste boek van die Bybel opgeteken is. Noag wys ons wat gehoorsaamheid is, al word 'n "onmenslik" groot taak aan ons gegee. Noag was vir almal rondom hom die voorbeeld daarvan dat genadetyd nou is! Noag was die lewende bewys dat God hom en sy gesin deur die ark gered het.

Watter kragtige belydenis van hoop leef daarom in elke Christengesin! Jesus Christus was gehoorsaam. In geloofsgehoorsaamheid kan ons met ons gesinne die vloedwaters van vandag trotseer. Mag ons dade getuig van dankbare gehoorsaamheid. Dit is moontlik om met God te wandel al is daar geen enkele voorbeeld in die wêreld oor nie.

Ons moet nooit die gesin geringskat nie. Vandag lyk die gesin en familie heelwat anders as in vervloë dae. Mag ons as gesinne ons hoop, krag en troos vind in Jesus Christus. Soos Noag, sal ons veilig deur enige vloedgolf gebring word, tot by die veilige hawe van ons Redder.

Seënwense!

Ds Anna-Marie Kloppers
Rustenburg Jac van Belkum

Om Blitsposte ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan produksie@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Lief en leed



Ds Gerrie Senekal

- **Ds GC (Gerrie) Senekal** (55) van Gemeente Lichtenburg is Woensdagaand 17 Augustus na 'n hartaanval oorlede. Hy het enkele jare gelede 'n pasaangeër gekry. Ons innige meegevoel gaan aan sy vrou Annatjie, hul kinders Marnus, Kariëka (en haar man Gideon), Gerhard en Stiaan, en sy familie en vriende. Die roudiens op Dinsdag 23 Augustus om 11:00 vanuit Gemeente Lichtenburg is gelei deur dr FJ (Frikkie) Labuschagne.
- Die begrafnis van **ds F du C (Francois/Lappies) Labuschagne** (91), wat Sondag 14 Augustus oorlede is na 'n lang siekbed, vind Vrydag 26 Augustus om 11:00 plaas by die Zandfontein-begraafplaas, Pretoria. Dit sal gelei word deur ds GC (Gert) van Staden. Die erediens vind plaas om 13:00 by Gemeente Pierneef en sal gelei word deur ds WH (Wilhelm) Steyn. Ons bid ds Labuschagne se dogter, Sonia, en hul ander naasbestaendes die Heer se troos toe in hierdie hartseer tyd.
- **Die volgende predikante verjaar tot 2 September, en word hartlik geluk gewens:**
 - Vrydag 26 Augustus: Dr C (Chris) le Roux (65) (Stellenbosch/Worcester) en ds JJ (Joseph) Steyn (40) (Klerksdorp-Oos Mōrester / Orkney)
 - Saterdag 27 Augustus: Prof JH (Johan) Koekemoer (87) (emeritus)
 - Sondag 28 Augustus: Ds GC (Gert) van Staden (90) (emeritus)
 - Maandag 29 Augustus: Ds J (Jan) van Immerzeel (76) (emeritus)
 - Woensdag 31 Augustus: Ds J (Juan) de Beer (29) (Parys)
 - Donderdag 1 September: Prof PJ (Pierre) Jordaan (63) (Wonderfontein) en ds WRT (Tertius) Hindley (65) (emeritus)



Ds Pieter Rossouw

Gemeentes en bediening

- **Ds P (Pieter) Rossouw** van Donegal (deeltyds) het 'n beroep ontvang na Mafeking. Hy het die beroep aanvaar en word op Sondag 9 Oktober 2022 daar bevestig.
- **Dr A (Annelie) Botha** (UP) het 'n beroep ontvang na Kempton (deeltyds).
- **Dr C (Chris) le Roux** van Stellenbosch/Worcester aanvaar aan die einde van Augustus 2022 emeritaat.
- **Prof E (Ernest) van Eck** aanvaar op 31 Augustus 2022 vervroegde emeritaat.
- **Pos beskikbaar by Gemeente Middelburg-Noord**
Musiekkoordineerder en Begeleier
Met ingang van 1 September 2022
Kontak ds Colin Hertzog vir inligting
082 326 7312
- **Vakature vir Operasionele Beampte, Gemeente Wapadrant in Pretoria**
Primêre verantwoordelikhede: Daaglikse koördinerings- en bestuur van nie-bedieningspersoneel; daaglikse bestuur van geboue, perseel en fasiliteite, asook koördinerings- en bestuurswerk soos nodig; administratiewe en sekretariële dienste aan die predikante en groepe in die gemeente; omvattende finansiële dienste, insluitend maar nie beperk nie tot ontvangs van inkomste van watter aard ook al, boekstaving van rekords, bank van gelde, verwerking en prosessering van betalings en verslagdoening; omvattende administratiewe take soos nodig vir gemeenterekords, verslagdoening, agendas en notules, ensovoorts; bestel, aankoop en beheer van skoonmaakmiddels, verversings en verbruikersgoedere soos nodig; en ontvangs van aflewings.
Vaardighede en karaktereienskappe: Interpersoonlike en kommunikasievaardighede; goeie Office 365- en Sage-vaardighede; passievol en energiek; bestuurs-, organisasie- en koördineringsvaardighede; administratiewe, sekretariële en rekordhoudingsvermoë; probleemoplossing; finansiële kennis en vaardighede; en leersaamheid.



Dr Annelie Botha




Dr Chris le Roux



Prof Ernest van Eck

Posinligting: Die werkure is Maandae tot Vrydae 08:00 tot 15:00; Sondag 08:00 tot 10:30; en beskikbaarheid om naurse probleme rakende instandhouding of fasiliteite te hanteer.

Aansoek: Stuur 'n volledige CV na vakatures@diekerk.com voor of op **Maandag 29 Augustus 2022**.

- 
- Gemeentes word versoek om die **deurkollekte van Bybelsondag 21 Augustus** so gou moontlik en voor die einde van Augustus aan die **Bybelgenootskap van Suid-Afrika** oor te betaal. Baie dankie by voorbaat!
 - **Ds Frikkie van Wyk**, NHKA-koördineerder van die **Kerkspieël-navorsingsprojek**, rig die volgende versoek:

Die Kerkspieël-navorsingsprojek help ons om na te dink oor die NHKA en haar gemeentes se roeping, bediening en funksionering. Die projek is oor die jare in die NG Kerk gevestig as 'n belangrike bron van inligting vir strategiese denke deur hul Kerk en gemeentes. Gesprek tussen die NGK en die NHKA het die moontlikheid geopen dat die NHKA ook kan deelneem aan Kerkspieël. Na aanleiding van die verslag aan die Algemene Kerkvergadering is besluit dat die NHKA in die toekoms weer aan die ondersoek sal deelneem. Die NHKA is dankbaar vir die geleentheid om weer te kan saamwerk en wil entoesiasies daaraan deelneem.

Kerkspieël is deur die NGK as 'n kerksensus begin en het gaandeweg ontwikkel tot 'n volwaardige navorsingsproses wat elke vier jaar plaasvind. Die aanvanklike opname is uitgebrei tot 'n omvattende navorsingsprojek in samewerking met die internasionale organisasie National Church Life Survey.

Die waarde van hierdie navorsing is dat dit vir 'n kerk en haar leierskap, op verskillende vlakke, 'n beeld gee van patrone en tendense in die kerk.

Die **Gemeente-opname** vind gedurende **Augustus/September 2022** in die NHKA plaas. Dit doen navraag oor 'n wye verskeidenheid aspekte van die gemeentelike bediening, asook die demografie en funksionering van die gemeente. Dit help ons om te verstaan waarmee ons besig is en behoort te wees. Die resultate is nuttig vir doelgerigte beplanning met die oog op dinamiese en volhoubare bediening.

Die skakel na die vraelys wat aanlyn ingevul moet word, is beskikbaar in Omsendskrywe 26/2022 wat pas versend is. ***Hierdie vraelys word onder leiding van die predikant en skriba namens die kerkraad van die gemeente voltooi. Voltooi dit asseblief aanlyn voor 2 September 2022.*** Indien die kerkraad 'n harde kopie wil gebruik en in sodanige formaat wil terugstuur, kan dit met mev Karen Breedt (karen@nhk.co.za) by die Sinodale Dienssentrum gereël word. Navrae in verband met hierdie navorsingsprojek kan gerig word aan ds Frikkie van Wyk (083 625 6788 / gfvanywyk@nhk.co.za).

Dit is vir die NHKA baie belangrik dat **elke gemeente** hierdie opname sal doen.

- **Gemeenskapsteater in Delmas: Ego Eimi... (Ek is...)**
15-25 September 19:00 (weekdae) en 15:00 (naweke)
By NGK Delmas-Wes
Volwassenes R100, kinders R50
Verversings beskikbaar een uur voor aanvang
Kaartjies beskikbaar aanlyn of by NHKA Delmas
Ook by Perfect Water, CJ Williams Apteek en NGK Delmas-Wes
013 665 2679 van 08:00 tot 12:00
Navrae: 082 928 4317
www.gemeenskapsteater.co.za
delmas@gemeenskapsteater.co.za
- Die **SP Engelbrecht-museum** vra asseblief die volgende **skenkings**, en sê **dankie** vir die skenkings wat reeds ontvang is:
 - Bulsak, ou besondere laslappiekomers, donsveerkussing met besondere sloop vir ons wa-katel.

- Ou vetkers in outydse blaker.
- Vroue- en manspruik.
- Vir domineepop: wit of gekleurde dashemp, baard.
- Een sittende vrouemannekyn/damespop.
- 'n Stukkie vars roltabak; ou pakkie sigarette.
- Die oudste bottel Nagmaalwyn in die ganse Kerk; 'n spoggerige Nagmaaltafeldoek, gehekel of kant.
- Troufoto van mnr en mev De Loor, 1929. Haar trourok is in die Museum.
- Drie sakke potgrond vir die groot potplante by die Museum.
- Ou lessenaarlaaie vir uitstallings – ons plaas perspex bo-oor.
- Donasie vir die raam van Museumafdelings se name – ons het glas en rame.
- 'n Volledige stel van *Konteks* om in die Museum bewaar te word.

Kontak ds Johann de Bruin by 082 733 3951 of cjdb@boomaap.co.za. Die Museum in Eloffsdal, Pretoria is op afspraak oop, enige tyd of dag. Reël asseblief net 'n dag of twee vooraf.

- Ds Johann de Bruin versoek ook die volgende **vir Zambezi-aftreeoord in Montana**. Eredienste word Sondae in hul saal gehou sonder 'n projektor en daarom vra hulle **skenkings van Liedboeke** wat nie meer gebruik word nie – **veral grootdruk**. Ds De Bruin sal dit bymeekaarmaak en gaan afgee. Hy preek maandeliks daar. Of kontak mev Erna Klopper by 082 850 2492.

Vergaderings

- Donderdag 25 Augustus: Pensioenvergaderings
ADV-webinaar TOIBO
- Vrydag 26 Augustus: Raad van Finansies
- Maandag 29 Augustus: Plesion Direksie
- Saterdag 3 September: ADV Kommissie

Studentesake

- **Studentebehuising. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na nhkphiladelphia@gmail.com vir meer inligting.
- **Studentebehuising. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmenswoonstelle. Skakel dr Chris le Roux by 079 495 3239 of stuur 'n e-pos na stellenbosch@nhk.co.za vir meer inligting.

Toerusting

- Die **Sentrum vir Gemeentelike Bediening (SGB)** bied die **IMG-kursus** (Inleiding tot Missionale Gemeentewees) gratis oor 'n periode van ses weke aan. Dit vind plaas via Zoom, van 09:00 tot 11:00, en wel nog op die volgende twee datums:
 - Die herontdekking van missionale spiritualiteit: 25 Augustus
 - Die herontdekking van missionale luister in die gemeenskap: 1 September

Join Zoom Meeting

<https://us02web.zoom.us/j/9427689935?pwd=d3d3K1N1cDU0a1plZCtjSS9ZSFY4dz09>

Meeting ID: 942 768 9935

Passcode: SGB

Navrae: Dr Frikkie Labuschagne by karen@nhk.co.za

- **Gratis eKonferensie 1-2 September 2022**
Resilience: Psalms and/or Prophetic Literature
Fakulteit Teologie en Religie
Departement Ou Testament en Hebreuse Geskrifte
Skakel vir Dag 1: <https://eu.bbcollab.com/guest/8d52ae4d044d48879bb90d71d6d0213f>
Skakel vir Dag 2: <https://eu.bbcollab.com/guest/11d4b6583bd24be787a690983348ed0e>
- **Excelsus: Lentekonferensie (aanlyn) 20-22 September 2022**
Vreugde in oorvloed: Geloof in 'n tyd van skaarste
NHKA-deelnemers: Proff Tanya van Wyk en Jaco Beyers
Inskrywingsgeld per elektroniese oorplasing
Bewys van betaling na excelsus@up.ac.za
Kursusfooi: R360
Inbetalings: TSO, ABSA, takkode 632005, rekeningnommer 142 0830 463
Verwysing: LK plus naam en van van individu, of
LK plus naam van gemeente indien vir meer as een betaal word
Kansellasiefooi:
Voor of op 31 Augustus: 50% van die kursusfooi
Na 13 September: 100% van die kursusfooi
Ontvangs van inskrywing geskied per e-pos
(Indien e-pos nie voor 13 September 2022 ontvang word nie,
kontak Rika by excelsus@up.ac.za)
- **Gereformeerde Teologiese Werkgemeenskap**
Jaarlikse konferensie 2022: 27 September
Tema: *Gereformeerde bediening vandag: Impak, uitdagings en geleentehede*
Subtemas: Toepaslike prediking; worsteling met sekularisme; gebruik van tegnologie tot voordeel van die bediening; bediening van alle mense in die moderne konteks; doeltreffende pastorale werk wat op spesifieke groepe fokus (bv jeug, enkelopendes, bejaardes); voortgesette teologiese opleiding; en die behoefte aan Christelike dienende leierskap
Plek: Teologiese Skool Potchefstroom / Aanlyn
Koste: In persoon R300 (sluit verversings en middagete in); aanlyn R100
Program: Word nader aan die konferensiedatum gepubliseer
Om vir die konferensie te **registreer**, stuur jou kontakbesonderhede en bewys van betaling aan Mohau Ntlhe (mohau.ntlhe@nwu.ac.za) **voor 31 Augustus.**
Bankbesonderhede
Rekeningnaam: In die Skriflig
Bank: ABSA
Tak: 632005
Tjekrekeningnommer: 670411664

Fondsinsamelings

- **Gemeente Wonderboom: Basaar**
Saterdag 27 Augustus 09:00-14:00
Heerlike eetgoed te koop
Pannekoek, pap-en-kaiings, vetkoek, kerrie-en-rys en *jaffles*
Kattebakverkope en witolifanttafel
Springkastele en gesigverf vir die kinders
Lootjies te koop vir: R1 500 brandstofkoopbewys, R2 500 vleiskoopbewys
Kontak ds Lilian Erasmus by 083 255 2082 vir meer inligting
- **Die NGK Wonderpark: Wonderliggiefees 2022**
(Waar AKV vanjaar plaasvind)
26 Augustus tot 4 September
Kunsmark, teetuin, kindervermaak, wegneemetes
26 Augustus 18:00/19:00: Demi Lee Moore
27 Augustus 18:00: Skaapbraai en Gary Forwood (R100)
1 September: Manie Jackson

3 September 10:00: Lollos & Lettie
3 September 18:00: Opkomende kunstenaars
3 September 19:00: Liam Meredith
Navrae: 083 266 2804 / 012 549 1340

- **Loslitdag Vrydag 2 September 2022.** Plakkers kan by mev Arina Jooste, uitvoerende hoof van die Transoranje Instituut vir Buitengewone Onderwys (**TOIBO**), bestel word by toibo@imagnet.co.za. Vir elke plakker van R20 kan TOIBO R9 hou en die balans oorbetaal aan die Nasionale Raad van en vir Persone met Gestremdhede (NCPD). Onthou ook: **Spesiale deurkollekte vir TOIBO op Sondag 4 September!**
- **Gemeente Swartkop: Ons Burg Basaar**
Vrydag 2 September vanaf 14:00
Vir die hele gesin – kom kuier saam tot laat!
Pannekoek, kerrie-en-rys, burgers, worsrolle, gemmerbier, poeding
Wyn en biltong, tuisnywerheid
Lewende musiek, 'n *Color Run* en 'n massiewe kindertuin
Navrae: Van Rooy van den Berg 072 199 3900
- **Vrydag 2 September: Gemeente Oos-Moot**
SANGAAND VANAF 19:00
Kunstenaars: Jannie Moolman & Helena Ceronio
NG Kerk Queenswood in Garretweg 249, Queenswood, in kerkgebou
R150 per persoon (geen sitplekaanwysings)
Elektroniese betalings na:
NHKA Oos-Moot
ABSA-tjekrekening nommer 143 058 0201
Tak 632 005
Verwysing: Sang & Van (bv Sang Botha)
Stuur bewys van betaling na nhkaosmoot@gmail.com
of WhatsApp / Telegram / SMS na 078 877 6732
(reëlins sal met u getref word om die kaartjies by u te kry)
Kaartjies ook beskikbaar by NHKA Oos-Moot, Collinslaan 1265, Môregloed
Tydens pouse sal eetgoed te koop wees –
geen eet en drink word in die kerkgebou toegelaat nie
Kontak Magdaleen van der Schyff by 012 333 4918 of 064 907 7611
MARKAAND VANAF 16:30
NG Kerk Queenswood in Garretweg 249, Queenswood
Witlofanttafel en heerlike eetgoed te koop
Kom ondersteun ons asseblief!
- **Gemeente Ventersdorp: Basaar**
Saterdag 3 September vanaf 08:30
Gratis springkasteel vir kinders
Vars vleis, biltong, droëwors
Handwerk
Heerlike eetgoed
Navrae: Ds Waldo Pretorius 071 619 6192 / 068 098 0021 (tydelik)
- **Gemeente Drie Riviere en Die Kakiebosmark: Lentebasaar**
Saterdag 3 September van 09:00 tot 13:00
Op die kerkperseël (hv Bashee- en Wilgestraat, Drie Riviere)
Verskeie entrepreneurstalletjies en witlofanttafel
Handwerk en tweedehandse klere
Teetuin, speletjies
Pannekoek, nagereg, tuisgebak, kerrie-en-rys, braaivleis, lekkergoed
Musiek en sang deur Jaco Strydom
Rugbywedstryd tussen die Springbokke en Australië op grootskerm
Toegang gratis
Navrae: Ds Hennie Louw 084 508 7849

- **Oornagfasiliteite: Seniordal.** Seniordal beskik oor oornagfasiliteite wat ideaal is vir persone wat vergaderings, die AKV of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parkering en 24-uur-sekuriteit. **Vir navrae oor tariewe en vir besprekings,** kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.

'n Gedig

Almanak

Agter 'n kamerdeur
hang die aptekersalmanak
oorvol onsigbare gedenkdae
waarvan net sý nog weet:
háár troudag, feestelik,
maar sestig jaar gelede;
verjaarsdae van 'n man, nou dood,
en kinders die wêreld oor.
So sit sy dagin, daguit, soms
met haar hande in haar skoot,
maar steeds word dag en datum,
waarvan net sý weet,
jaarliks op die kalender aangestip:
geboorte van 'n baba aan wie sy
slegs die dood kon skenk.

Eunice Basson

(Uit: *By die dag*, 2020)

Barmhartigheid

- **NHSV vrywillige uitbetalings Augustus 2022.** Vrywillige donasies en werk is 'n manier om by jou gemeenskap betrokke te raak en 'n verskil te maak. Die doel daarvan is om betrokke te raak in die wêreld om jou en om iets te doen omtrent sake wat jou na aan die hart lê. So bring ons hoop aan die hooploses, en word liefde en vriendelikheid versprei. Moeder Teresa het gesê: *Laat ons nie bomme en gewere gebruik om die wêreld te oorwin nie. Kom ons gebruik liefde en deernis.*

Hierdie bring van hoop en verspreiding van liefde maak 'n mens ook dankbaar vir dit wat jy het en wat jy aan ander kan uitdeel. Daarom is die NHSV se tema vir hierdie jaar: Dankbaar, diensbaar en geseënd! *Wees in alle omstandighede dankbaar, want dit is wat God in Christus Jesus van julle verwag* (1 Tess 5: 18, AFR83). Kom ons wees diensbaar, want ons is dankbaar vir wat God vir ons gedoen het en vandag steeds doen. Om dankbaar te leef, beteken dat ons God vind daar waar ons diensbaar is.

Met dit alles in gedagte en met begrip vir die uitdagende ekonomiese omstandighede waarin gemeentes hulle tans bevind, wil die NHSV Hoofbestuur takke en gemeentes herinner aan die vrywillige uitbetalings wat gewoonlik gedurende Augustus gedoen word. Die riglyn vir die **Augustus-uitbetalings** is dat 'n tak moet probeer om 33% van haar inkomste, nadat die Mei-uitbetalings afgetrek is, aan die Hoofbestuur oor te betaal. Die ander 67% kan volgens eie diskresie aan die gemeente en gemeenskappe se barmhartigheidswerk bestee word. Onthou asseblief dat oorbetalings aan plaaslike instansies soos tehuse van bejaardes direk aan die instansies oorbetalings moet word vanuit 'n tak of gemeente – stuur dus 'n aparte betaling direk aan hulle. Bankdeposito's of elektroniese oorbetalings kan gedoen word. E-pos asseblief die betaalstaat en 'n afskrif van die elektroniese oorbetalings na **finansies@nhsv.org.za**.


- DPS Pleegsorg: Kamp**
3-7 Oktober 2022
Tarentaalpan, Thabazimbi

Indien u sou belangstel om een van die 36 kinders te borg teen R1 500 per kind, kontak **Suzanne van Deventer** by suzanne@rata.org.za of 066 477 8904. **Inbetalings** kan ook gedoen word by: Kinderhuise van die NHKA, ABSA Besigheidsrekening, rekeningnommer 020 390 093, takkode 623 0005, beskrywing Oktoberkamp (e-pos bewys van betaling na suzanne@rata.org.za). Hierdie is 'n geleentheid om te belê in 'n kind se toekoms. Saam skep ons 'n beter môre. U is ook welkom om ons **webwerf** te besoek by www.pleegsorg.org.za of ons **Facebook-blad** by DPS Huise om op die hoogte te bly van die nuutste ontwikkelinge.
- Athalia Uitreik in Bloemfontein**
Verblyf vir en versorging van bejaardes en gestremdes

Enkel- en deekamergeriewe in 'n huislike atmosfeer
 Verblyf met 3 etes ingesluit
 Verblyf sonder versorging R1 700 per maand
 24-uur-versorging onderhandelbaar
 (maksimum R8 000 per maand deekamer)
 Navrae: 079 826 6363 / 084 023 0315 / 051 522 6089
navrae@athalia.co.za
www.athalia.co.za
- Louis Trichardt-behuisingskompleks vir bejaardes** in Danville, Pretoria, bied kamergeriewe met drie etes per dag teen R4 435 per maand. Vir meer inligting, kontak mev Vicky Muller by 012 386 5310.
- Ons Tuis (Andries Marié Oosthuizen) in Parys** het tans plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
- Seniordal-aftreeoord**

Seniordal is die eiendom van die NHKA se **Gemeente Pretoria** en spesialiseer in lewensregverkope en verhuur aan selfversorgende persone ouer as 55 jaar. Die oord is geleë in Rietondale, Pretoria, wat bekend is as 'n stil, veilige, boomryke omgewing en 'n voëlparadys. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:

Enkelwoonstel (*Bachelor*): R510 000
 Eenslaapkamer: R515 000
 1½-slaapkamer: R520 000
 Tweeslaapkamer: R560 000
 Navrae: Salomie Stolz 012 329 4318 / 083 308 0520



Betaalde advertensies in hierdie nuusbrieff


Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word. (*Tekskennisgewings van gemeentes is gratis.*) Indien 'n jpg-weergawe van die advertensie voorsien word, **moet dit 15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan mev Tessa Oppermann, per e-pos na produksie@nhk.co.za. GEEN advertensie sal geplaas word sonder die betalingsbewys nie.

Die **teks en bewys van betaling** moet mev Oppermann bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

Die koste is R250 per plasing (BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

Gebed vir die week



Almagtige God,
U is die enigste bron van gesondheid en genesing.
In U is daar kalmte,
en die enigste ware vrede in die heelal.
Begenadig elkeen van ons, u kinders,
met 'n bewussyn van u teenwoordigheid,
en laat ons volkome op U vertrou.
In al ons pyn en vermoedigheid en angs,
leer ons om ons ten volle in u hande te plaas
vir u nimmereindigende sorg.
Herinner ons daaraan
dat u liefde en krag ons altyd omsluit.
Help ons om te vertrou op u wysheid en voorsiening,
en te weet dat U op u eie tyd
vir ons die gesondheid, die krag en die vrede sal gee.
Ons bid dit in die Naam van Jesus Christus, ons Heer.
Amen.

womansday.com/life

(Afrikaanse verwerking: Tessa Oppermann)